



SLUŽBENE NOVINE TUZLANSKOG KANTONA

GODINA 19 • TUZLA, UTORAK, 13. NOVEMBAR 2012. GODINE • IZDANJE NA BOSANSKOM JEZIKU • BROJ 12

858

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97, 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.10.2012. godine, donosi

ZAKON O IZMJENAMA I DOPUNAMA ZAKONA O IZVRŠENJU SANKCIJA

Član 1.

U Zakonu o izvršenju sankcija (prečišćeni tekst) („Službene novine Tuzlanskog kantona“, br. 11/09 i 4/10), u članu 3. u stavu 1. u tački 6. riječi „Ministarstva unutrašnjih poslova Kantona“ zamjenjuju se riječima „Ministarstva unutrašnjih poslova Tuzlanskog kantona“.

Član 2.

U članu 7. iza riječi „Krivičnog zakona“ dodaju se riječi „Federacije Bosne i Hercegovine“.

Član 3.

U članu 9. u stavu 2. riječ „Kantona“ zamjenjuje se riječima „Tuzlanskog kantona (u daljem tekstu: ministar pravosuđa i uprave Kantona)“.

Član 4.

U članu 12. riječ „Kantona“ zamjenjuje se riječima „Tuzlanskog kantona (u daljem tekstu: Ministarstvo unutrašnjih poslova Kantona)“.

Član 5.

Član 13. mijenja se i glasi:

„Član 13.

Sud koji je donio odluku u prvom stepenu odlučuje o načinu izvršenja mjere sigurnosti oduzimanja predmeta i određuje da li će tu mjeru izvršiti sud ili neki drugi organ ili organizacija odnosno pravno ili fizičko lice.

Prema prirodi oduzetih predmeta sud odlučuje da li će se predmeti prodati, ustupiti ili uništiti, osim u slučaju kada je posebnim propisima regulisano da se sa određenim predmetima postupa na drugačiji način.

U slučaju kada sud vrši prodaju predmeta za koje je izrečena mjera sigurnosti oduzimanja predmeta, prodaja tih predmeta se vrši prema odredbama Zakona o izvršnom postupku.

Organ ili organizacija odnosno pravno ili fizičko lice, koje je sud odredio da izvrši mjeru sigurnosti oduzimanja predmeta, tu mjeru izvršava u skladu sa propisom koji donosi ministar pravosuđa i uprave Kantona.“

Član 6.

Član 13a. mijenja se i glasi:

„Član 13a.

Troškove koji nastanu prinudnim izvršenjem mjere sigurnosti oduzimanja predmeta snosi lice kome je ta mjera izrečena.

Sredstva ostvarena prodajom odnosno uništenjem oduzetih predmeta u skladu sa odredbama ovog zakona, kao i provedbenog propisa iz člana 13. stav 4. ovog zakona, prihod su budžeta Kantona.“

Član 7.

Član 17. briše se.

Član 8.

Član 26. briše se.

Član 9.

U članu 47. u stavu 1., riječi „Ministarstvu za rad i socijalnu politiku“ zamjenjuju se riječima „Ministarstvu za rad, socijalnu politiku i povratak Tuzlanskog kantona (u daljem tekstu: Ministarstvo za rad, socijalnu politiku i povratak Kantona).“

Član 10.

U članu 50. u stavu 2. i u članu 54. u stavu 1., riječi „Ministarstvu za rad i socijalnu politiku“ zamjenjuju se riječima „Ministarstvu za rad, socijalnu politiku i povratak Kantona“.

Član 11.

U članu 57. u stavu 2. riječi „Ministarstvu za rad i socijalnu politiku“ zamjenjuju se riječima „Ministarstvu za rad, socijalnu politiku i povratak Kantona“.

U istom članu i stavu, riječi „Ministarstvu pravosuđa i uprave“ zamjenjuju se riječima „Ministarstvu pravosuđa i uprave Tuzlanskog kantona (u daljem tekstu: Ministarstvo pravosuđa i uprave Kantona)“.

Član 12.

U članu 60. iza riječi „prodajom“ dodaju se riječi „odnosno uništenjem“.

Član 13.

U članu 65., u stavu 1. riječi „Skupština Kantona“ zamjenjuju se riječima „Skupština Tuzlanskog kantona (u daljem tekstu: Skupština Kantona)“.

U istom članu u stavu 2., iza riječi „Ministarstva pravosuđa i uprave“ dodaje se riječ „Kantona“.

Član 14.

U članu 65a., iza riječi „Ministarstva pravosuđa i uprave“ dodaje se riječ „Kantona“.

U istom članu, iza riječi „ministar pravosuđa i uprave“ dodaje se riječ „Kantona“.

Član 15.

U članu 69. riječi „ovlaštene organizacije platnog prometa“ zamjenjuju se riječju „banke“.

Član 16.

Ministar pravosuđa i uprave Kantona će donijeti propis iz člana 5. ovog zakona u roku od tri mjeseca od dana stupanja na snagu ovog zakona.

Član 17.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

B o s n a i H e r c e g o v i n a - Federacija Bosne i Hercegovine - T U Z L A N S K I K A N T O N S k u p š t i n a Broj: 01-02-567-4/12 Tuzla, 23.10.2012. godine	Predsjednik Skupštine Tuzlanskog kantona Slađan Ilić, v.r.
--	--

859

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99, 10/00, 14/02, 6/04 i 10/04), a u vezi sa članom 9. Zakona o upravljanju otpadom („Službene novine Federacije BiH“, br. 33/03 i 72/09), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.10.2012.godine, d o n o s i

ODLUKU**o pristupanju izradi Kantonalnog plana upravljanja otpadom Tuzlanskog kantona 2013.-2018.****Član 1.**

Pristupa se izradi Kantonalnog plana upravljanja otpadom Tuzlanskog kantona 2013.-2018. (u daljem tekstu: Kantonalni plan).

Član 2.

Kantonalni plan se izrađuje za područje Tuzlanskog kantona.

Član 3.

Kantonalni plan se donosi za vremenski period od pet godina, odnosno za period od 2013. do 2018. godine.

Član 4.

Priprema, izrada i sadržaj Kantonalnog plana bit će usklađeni sa odredbama Zakona o upravljanju otpadom („Službene novine Federacije BiH“, br. 33/03 i 72/09), Strategijom zaštite okoliša Federacije Bosne i Hercegovine 2008.-2018. (u daljem tekstu: Strategija) i Federalnim planom upravljanja otpadom 2012.-2017. (u daljem tekstu: Plan).

Član 5.

Rok za izradu Kantonalnog plana je 12 mjeseci od dana stupanja na snagu ove odluke.

Član 6.

Priprema i izrada Kantonalnog plana će se odvijati kroz 4 faze:
I. faza: Usvajanje metodologije te dinamičkog i organizacionog plana,
II. faza: Analiza stanja upravljanja otpadom,
III. faza: Akcioni plan: planiranje i uspostavljanje sistema upravljanja otpadom i
IV. faza: Prezentovanje svih komponenti Kantonalnog plana.

Član 7.

(1) Nosilac pripreme za izradu Kantonalnog plana (u daljem tekstu: Nosilac pripreme), će metodologiju, dinamiku, organizacioni plan i rokove izrade u svim fazama Kantonalnog plana bliže urediti svojim Projektnim zadatkom.

(2) Analiza stanja upravljanja otpadom u Tuzlanskom kantonu podrazumijeva rad u skladu sa Strategijom i Planom, s tim da se posebno obrađuju sadržaji relevantni za ovo područje, kao i elementi koji ga čine posebnim.

(3) Akcioni plan sadrži sljedeće segmente:

- Nadležnosti u sistemu upravljanja otpadom,
- Opći postupci upravljanja otpadom,
- Organizacija sistema upravljanja otpadom,
- Komunalni i neopasni proizvodni otpad,
- Opasni otpad,
- Posebne kategorije otpada,
- Odlagališta otpada i
- Informacijski sistem upravljanja otpadom.

(4) Prezentovanje svih komponenti Kantonalnog plana će biti realizovano uključivanjem javnosti u raspravu o prijedlogu dokumenta.

Član 8.

Sredstva za izradu Kantonalnog plana osigurat će se u Budžetu Tuzlanskog kantona iz namjenskih sredstava Ministarstva prostornog uređenja i zaštite okolice Tuzlanskog kantona.

Član 9.

(1) Nosilac pripreme je Ministarstvo prostornog uređenja i zaštite okolice.

(2) Nosilac pripreme dužan je osigurati saradnju sa relevantnim organima i organizacijama Tuzlanskog kantona i općina.

Član 10.

(1) Stručno praćenje, usmjeravanje i utvrđivanje koncepta Kantonalnog plana, vršit će Koordinacioni odbor i Savjetodavni odbor utvrđen Odlukom o pristupanju izradi Kantonalnog plana zaštite okoliša Tuzlanskog kantona 2012.-2018.

(2) U toku procesa pripreme i izrade Kantonalnog plana odbori pomažu Nosiocu pripreme u usaglašavanju sektorskih politika, daju mišljenja o primjedbama i sugestijama prikupljenim u toku učešća javnosti i učestvuju u svim ostalim aktivnostima definisanim ovom odlukom, sve do usvajanja Kantonalnog plana.